

Bosna i Hercegovina  
Federacija Bosne i Hercegovine  
KANTON SARAJEVO  
Ministarstvo za boračka pitanja



Босна и Херцеговина  
Федерација Босне и Херцеговине  
КАНТОН САРАЈЕВО  
Министарство за борачка питања

Bosnia and Herzegovina  
Federation of Bosnia and Herzegovina

CANTON SARAJEVO  
Ministry of Veteran's affairs

Broj: 01-04-20702-14/20  
Sarajevo, 29.06.2020. godine

**SKUPŠTINA KANTONA SARAJEVO  
-OVDJE-**

**PREDMET:** Izjašnjenje na zastupničku inicijativu zastupnice Bilsene Šahman, dostavlja se;

Zastupnica Bilsena Šahman je na 26. Radnoj sjednici Skupštine Kantona Sarajevo, održanoj dana 16.06.2020. godine, u okviru tačke Dnevnog reda "Poslanička/zastupnička pitanja, inicijative i odgovori", a u skladu sa članom 213. Poslovnika Skupštine Kantona Sarajevo pokrenula zastupničku inicijativu „da se pravno zaštititi boračka populacija u procesu zapošljavanja u javnom sektoru u Kantonu Sarajevo“.

Na pokrenutu zastupničku inicijativu dajemo slijedeće

**IZJAŠNJENJE**

U skladu sa odredbama Zakona o pravima branilaca i članova njihovih porodica ("Službene novine Federacije BiH" broj: 33/04, 56/05, 70/07, 09/10 i 90/17), te članom 23. Zakona o dopunskim pravima boraca-branitelja Bosne i Hercegovine ("Službene novine Kantona Sarajevo" broj: 45/12-Prečišćen tekst, 26/14, 46/17, 18/19 i 20/20) određeno je da lica iz člana 1. ovog Zakona (ratnih vojni invalidi i članovi njihovih porodica, članovi porodice šehida, članovi porodice poginulih, umrlih i nestalih branioca, dobitnici ratnih priznanja i odlikovanja i članovi porodica poginulih, u mrljih i nestalih dobitnika ratnog priznanja i odlikovanja, ratni vojni zarobljenici i demobilizirani branioci kao lica zaslužna u odbrambeno-oslobodilačkom ratu sa područja Kantona Sarajevo), ostvaruju pravo na prvenstvo pri zapošljavanju, a pritom prioritet imaju djeca šehida-poginulih branioca, umrlih ratnih vojnih invalida i umrlih dobitnika ratnih priznanja i odlikovanja.

Kantonalni organi uprave i kantonalne upravne organizacije, Grad Sarajevo, općine, kao i sva pravna lica čiji je osnivač Kanton, Grad Sarajevo ili općina, odnosno koja se finansiraju iz budžeta sa učešćem od najmanje 25%, dužni su prilikom prijema u radni odnos obezbijediti prioritet licima iz člana 1. Zakona o dopunskim pravima boraca-branitelja Bosne i Hercegovine.

Vlada Kantona će posebnim propisom urediti uvjete, kriterije i pravila utvrđivanja prednosti pri zapošljavanju kategorija koji po ovom zakonu ostvaruju to pravo, te propisati kaznene odredbe za subjekte iz stava 2. ovog Izjašnjenja koji ne poštuju odredbe ostvarivanja prednosti pri zapošljavanju ovih lica.



web: <http://mbp.ks.gov.ba>  
e-mail: [mbp@mbp.ks.gov.ba](mailto:mbp@mbp.ks.gov.ba)  
Tel: + 387 (0) 33 562-012  
Fax: + 387 (0) 33 562-251  
Sarajevo, Reisa Džemaludina Čauševića 1



U toku je usaglašavanje teksta Uredbe iz prethodnog stava o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, u kojoj će biti propisani kriteriji za zapošljavanje boračke populacije, nadzor nad primjenom ove Uredbe kao i novčane kazne za odgovorna lica organa ili privrednog subjekta zbog nepoštivanja dopunskog prava koje se odnosi na zapošljavanje branilaca i članova njihovih porodica.

U okviru ostvarivanja prava na prioritet u zapošljavanju u 2018. godini sačinjena je 251 preporuka za zapošljavanje pripadnika boračke populacije koje su upućene raznim pravnim subjektima, dok je u 2019. godini sačinjeno 198 takvih preporuka.

Ministarstvo za boračka pitanja Kantona Sarajevo nije nadležno za vršenje upravnog niti inspeksijskog nadzora nad primjenom dopunskog prava koje se odnosi na zapošljavanje branilaca i članova njihovih porodica u skladu sa članom 23. Zakona o dopunskim pravima boraca-branitelja Bosne i Hercegovine ("Službene novine Kantona Sarajevo" broj: 45/12-Prečišćen tekst, 26/14, 46/17, 18/19 i 20/20), kao ni za izricanje novčanih kazni za eventualno kršenje navedenog prava.

Ministarstvo za boračka pitanja Kantona Sarajevo ostaje posvećeno u aktivnostima pomoći boračkoj populaciji kako bi u skladu sa nadležnostima, uredbama i pravilnicima pomogli ovoj osjetljivoj kategoriji lica u ostvarivanju njihovih prava.

S poštovanjem,



Dostaviti:

- Predsjedavajućem Skupštine Kantona Sarajevo
- Sekretaru Skupštine Kantona Sarajevo
- Sekretaru Vlade Kantona Sarajevo
- Web stranica Ministarstva
- a/a



web: <http://mbp.ks.gov.ba>  
e-mail: [mbp@mbp.ks.gov.ba](mailto:mbp@mbp.ks.gov.ba)  
Tel: + 387 (0) 33 562-012  
Fax: + 387 (0) 33 562-251  
Sarajevo, Reisa Džemaludina Čauševića I

